

**NAŠA  
STRANKA**

Politička organizacija građana "Naša stranka"  
Branilaca Sarajeva 5/1, 71 000 Sarajevo  
Telefon: 033 551 225; Fax: 033 551 226  
E-mail: nasastranka@nasastranka.ba  
Web: www.nasastranka.ba

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
**DOM NARODA**  
SARAJEVO

Primljeno: 30-03-2016			
Org. jed.	Broj	Priloga	Vrijednost
02 - 02 -		758	1/16

**Predrag Kojić**

Delegat u Domu naroda Parlamenta Federacije Bosne i Hercegovine

Broj: 048/16

Sarajevo, 30.03.2016.

**Dostaviti:**

BOSNA I HERCEGOVINA  
FEDERACIJA BOSNA I HERCEGOVINA  
Parlament Federacije BiH – Dom naroda  
n/r Lidija Bradara, predsjedavajuća


**PREDMET: PRIJEDLOG REZOLUCIJE DOMA NARODA O IZBORIMA U GRADU MOSTARU**

Poštovani,

na osnovu člana 13. Poslovnika Doma naroda Parlamenta Federacije Bosne i Hercegovine („Službene novine Federacije BiH“, broj 27/03 i 21/09), upućujem Prijedloga Rezolucije Doma naroda o izborima u Gradu Mostaru.

Po usvajanju Prijedloga Rezolucije Doma naroda o izborima u Gradu Mostaru, zahtijevam da se tekst Rezolucije uputi prema Parlamentarnoj skupštini Bosne i Hercegovine.

S poštovanjem,



**Predrag Kojić**

Delegat u Domu naroda Parlamenta Federacije BiH  
Naša stranka



**PREDRAG KOJOVIĆ**  
**DELEGAT U DOMU NARODA PARLAMENTA FEDERACIJE BOSNE I**  
**HERCEGOVINE**  
**NAŠA STRANKA**

PRIJEDLOG

**REZOLUCIJA DOMA NARODA O IZBORIMA U GRADU**  
**MOSTARU**

Sarajevo, mart 2016. godine

Pozivajući se na Univerzalnu deklaraciju o pravima čovjeka, Evropsku konvenciju o zaštiti ljudskih prava i temeljnih sloboda, Evropsku Povelju o lokalnoj samoupravi, Ustav Bosne i Hercegovine i Ustav Federacije Bosne i Hercegovine,

Polazeći od principa da lokalna samouprava podrazumijeva pravo i osposobljenost lokalnih vlasti da, u granicama zakona, reguliraju i rukovode znatnim dijelom javnih poslova, na osnovu vlastite odgovornosti i u interesu lokalnog stanovništva,

Smatrajući obavezom izabranih predstavnika i predstavnica građana i građanki na svim razinama vlasti u BiH da preduzmu sve mjere kojim se doprinosi provedbi presuda Ustavnog suda BiH i Ustavnog suda Federacije BiH,

Izražavajući zabrinutost zbog činjenice da građani i građanke Mostara od 2008. godine nisu glasali o svojim predstavnicima i predstavnicama na lokalnom nivou,

Na osnovu člana IV. A. 4.17. Ustava Federacije Bosne i Hercegovine, Dom naroda Parlamenta Federacije Bosne i Hercegovine, na sjednici održanoj 31.03.2016. godine donio je

### **REZOLUCIJU DOMA NARODA O IZBORIMA U GRADU MOSTARU**

Imajući u vidu sve navedeno, Dom naroda Parlamenta Federacije Bosne i Hercegovina poziva poslanike Parlamentarne skupštine Bosne i Hercegovine, a posebno članove i članice Interresorne radne grupe za izmjenu izbornog zakonodavstva BiH, kao i predstavnike/ce Centralne izborne komisije BiH, te predstavnike/ce političkih stranaka u Mostaru, da u okviru svojih nadležnosti preduzmu mjere s ciljem osiguranja organizacije izbora i zaštite jedinstvenog grada Mostara:

1. Pozivamo ih na hitno usvajanje izmjena Izbornog zakona Bosne i Hercegovine kojim će se omogućiti održavanje izbora za Gradsko vijeće i gradonačelnika/cu grada Mostara u okviru redovnih lokalnih izbora 2016. godine;
2. Tražimo da predstavnici parlamentarnih političkih stranaka ne uslovljavaju rješavanje statusa grada Mostara drugim pitanjima koja se vežu za izmjene Izbornog zakona BiH, te preuzmu odgovornost za donošenje najboljeg i najpovoljnijeg rješenja u interesu lokalne zajednice;
3. Podvlačimo potrebu da se status Grada Mostara rješava uvažavajući principe lokalne samouprave, djelujući u općem interesu te uvažavajući zahtjeve i prijedloge koji su u skladu sa najvišim međunarodnim standardima ljudskih prava, građanskih sloboda i zabrane diskriminacije;
4. Tražimo osiguranje jednakog pristupa aktivnom i pasivnom biračkom pravu za sve građane i građanke Mostara bez diskriminacije, uključujući i osiguranje maksimalnih napora da se zaštiti pravo glasa lica koja privremeno borave u inostranstvu kroz korištenje prava glasanja putem pošte;

5. Tražimo od Centralne izborne komisije Bosne i Hercegovine da provede posebnu reviziju biračkih spiskova na području Grada Mostara, imajući u obzir političku osjetljivost ove jedinice lokalne samouprave, kako bi se sa spiskova uklonila lica koja su umrla u periodu od posljednjih osam godina;
6. Tražimo hitno očitovanje nadležnih institucija o Rezoluciji, te pozivamo na održavanje tematske redovne sjednice oba doma Parlamenta Federacije BiH po ovom pitanju u roku od 15 dana od dana donošenja Rezolucije.

**Predsjedavajući Doma naroda Parlamenta Federacije BiH**

# **OBRAZLOŽENJE PRIJEDLOGA REZOLUCIJE O IZBORIMA U GRADU MOSTARU**

## **I – USTAVNI OSNOV**

Ustavni osnov za donošenje ovog Zakona je sadržan u Poglavlju IV A. 5. 20. (1) k) kojim je propisano da je Parlament Federacije Bosne i Hercegovine nadležan za vršenje drugih nadležnosti koje su mu povjerene. Na osnovu člana IV. A. 4.17. Ustava Federacije Bosne i Hercegovine utvrđeno je da Dom naroda Parlamenta Federacije Bosne i Hercegovine može samostalno donijeti deklaracije.

## **II – RAZLOZI ZA DONOŠENJE OVOG ZAKONA**

Rezoluciju Doma naroda o izborima u Gradu Mostaru donosi Dom naroda Parlamenta Federacije BiH kao vrstu institucionalnog odgovora na neprovedbu obaveze izmjene Izbornog zakona Bosne i Hercegovine te stvaranja zakonskog okvira za održavanje lokalnih izbora u Mostaru u 2016. godini.

## **III – FINANSIJSKA SREDSTVA**

Za provođenje zaključka ove Rezolucije nije potrebno izdvajanje dodatnih finansijskih sredstava.